



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Arelaten. Archiepiscopo.

**urn:nbn:de:hbz:466:1-20006**

referatum, nonnunquam in partibus vestris propter insolentiam Prælatorum contingit Ecclesias debitis intolerabilibus prægravari, pro eo quod earum negotia tanquam propria pertractantes, Clericorum assensum non exigunt in agendis. Cum ergo quod omnes tangit, ab omnibus debeat approbari, auctoritate præsentium districtius inhibemus ne Præpositus vester sine omnium vel majoris partis & sanioris assensu pecuniam recipiat mutuo, vel pro ea præster fidejussoriam cautionem. Si verò (quod non credimus) contra prohibitionem nostram Ecclesiam præsumperit aggravare, quod ab eo factum fuerit, decernimus non tenere. Nulli ergo &c. Datum ut supra.

ARCHIEPISC. ET CAPITULO Arelaten.

Epist. 475. Ut Præpositus accepti & exposita rationem reddat.

**C**um instantia nostra quotidiana sit, secundum Apostolum, omnium Ecclesiarum sollicitudo continua, summo studio satagere nos oportet quod status earum in spiritualibus & temporalibus suscipiat incrementa, & in deterius (quod absit) aliquorum desidia non labatur. Sanè, sicut nostris est auribus intimatum, in Arelaten. Ecclesia id consuetudinis noscitur obtinere, quod Præpositus ipsius Ecclesie coram Archiepiscopo & Capitulo administrationis suae reddat statutus temporibus rationem, sicut à suis prædecessoribus fuit hætenus observatum. Cum itaque consuetudinis ususque longævi non sit vilis auctoritas, & præsertim quando rationi non obviat & canonicis institutis, discretioni vestrae per apostolica scripta mandamus quatenus præfatum Præpositum ad præmissam consuetudinem observandam appellatione remota, sicut justum fuerit, compellatis. quod citra mandatum nostrum deberet efficere, si famam suam vellet servare apud homines illibatam; ne Iudæ notam sinistrae suspicionis incurreter, unde facta sua vellet fratribus & sociis occultare. Datum ut supra.

ARCHIEPISC. ARELATEN.

Epist. 474. Ut de personatibus pro sua voluntate ordinare possit.

**C**um Arelaten. Ecclesie personatus prædecessores tui dicatur de pontificalis mensæ redditibus statuisse, usque ad tempora ista ordinatio ipsorum ad Pontifices, qui fuerunt pro tempore, sicut nostro est apostolatui referatum, nos-

citur spectavisse. Cum autem personam tuam sincera diligamus in Domino caritate, nec velimus pontificalia jura tuis temporibus minui, sed augeri; ut de jam dictis personatibus, sicut & prædecessores tui sine contradictione qualibet habuerunt, liberam habeas potestatem secundum Deum & profectum commissæ tibi Ecclesie ordinandi, appellatione frustratoria non obstante, fraternitati tuæ auctoritate præsentium indulgemus. Nulli ergo &c. Datum ut supra.

PRÆPOSITO S. IOHANNIS de Cimiterio, ejusque fratribus tam presentibus quam futuris canonicè substituentis in perpetuum.

**E**ffectum justa postulantibus &c. usque ad verbum annuimus, & præfaram Ecclesiam sancti Iohannis de Cimiterio in Papien. suburbio sitam, in qua divino mancipati estis obsequio, ad exemplar felicitis recordationis Lucij Papæ prædecessoris nostri sub beati Petri & nostra protectione suscipimus, & præsentis scripti pagina communimus. Statuentes &c. usque ad verbum vocabulis. Locum ipsum in quo præfata Ecclesia sita est, cum omnibus pertinentiis suis. Ecclesiam sancti Marci, quæ in parochia vestra fundata est, cum omnibus pertinentiis suis. Ecclesiam sanctæ Mariæ, positam in porta aurea, cum pertinentiis suis. Ecclesiam sanctæ Mariæ, positam in castello Lanfranci, cum omnibus pertinentiis suis. & plebem quæ dicitur Rete, cum omnibus pertinentiis suis. Sanè cum generale &c. Sepulturam quoque &c. Obeunte verò &c. Decernimus ergo &c. Salva sedis apostolicæ auctoritate & diocesani Episcopi canonica justitia. Si qua igitur in futuram &c. Datum Laterani per manum Raynaldi Domini Papæ Notarij, Cancellarij vicem agentis, XVIII. Kalend. Ianuarij, Indictione secunda, incarnationis dominicæ anno MCXCVIII. pontificatus verò Domini Innocentij Papæ III. anno primo.

Epist. 475. Suscipit eos sub protectione apostolica.

ARELATEN. ARCHIEPISCOPO.

**G**ravem lapsum monasterij sancti Gervasij de Fos nostro noveris apostolatui referatum, quod cum collegium ipsius propter insolentiam monachorum ad binarium sit redactum, duo monachi, qui supersunt, Dei timo-

Epist. 476. Ut Monasterium S. Gervasij instaurer. Vide supra epist. 464.

re prorsus abjecto non tanquam in monasterio, sed velut in prostibulo impudicè cum duabus mulieribus conversantur; de quorum conversatione religioni detractio evenit, & in populo grave scandalum generatur; & cum monasterium ipsum de redditibus & possessionibus archiepiscopalis mensæ fundatum sit & ditatum, debitam tibi obedientiam dicti monachi denegant exhibere; quin potius etiam adversus Rom. Ecclesiam calcaneum erigentes, interdictos & excommunicatos passim recipiunt ad divina, defunctis in excommunicatione sepulturam etiam impendentes. propter quod in partibus illis & contemptibiles habentur sententiæ Prælatorum, & justitia penitus non servatur. Cum autem in dicto monasterio & jus habeas patronatus, & lege tibi sit diocesana subiectum, (udne ipsius commodis & profectibus debes propensius imminere) fraternitati tuæ, quam syncerius amplexamur, auctoritate presentium indulgemus ut præfatum monasterium ad observantiam regularem & statum religionis antiquæ, vel, si poteris, meliorem, remoto appellationis obstaculo, valeas reformare. Abbates quoque tibi subiectos ad debitam obedientiam Arelaten. Ecclesiæ nunc & in posterum exhibendam compellendi tibi nihilominus concedimus facultatem. Decernimus ergo &c. Datum Laterani IV. Idus Decembris.

*ABBATI AVREÆ VALLIS,  
Archidiacono Pictavensi, & magistro  
G. Decano Arianen.*

*Epist. 477.  
Ut precarios  
Pontificis in  
beneficiorum  
suorum possessione defendat,  
nisi statum de  
certo Canonico-  
rum numero  
repugnet.*

**C**um simus omnibus ex injuncto nobis officio debitores, iis specialiter & præsertim providere tenemur qui vel à sede apostolica ordinem susceperunt, vel apud eam in obsequio nostro & fratrum nostrorum laudabiliter permanentes, nostram plenius meruerunt gratiam & favorem. Vnde cum pro ignotis etiam Ecclesia Romana consueverit à personis ecclesiasticis in suis precibus tam celeriter quam efficaciter exaudiri, non possumus non mirari si non audiamur pro illis quibus ad obrinendum quod petitur scientia suffragatur & mores, & qui nobis sunt & fratribus nostris accepti, & his quibus scribimus non ignoti. Sanè cum pro dilectis filiis W. Rosio Subdiacono nostro, Clerico dile-

cti filij nostri Cent. S. Lucie Diaconi Cardinalis, qui videlicet subdiaconus ex eo quòd felicis recordationis C. Papæ prædecessoris nostri tempore in camera nostra diutiùs laudabiliter deservivit, & magistro Const. Natal. qui, quoniam bonæ memoriæ I. Malabrançæ tunc sancti Theodori Diacono Cardinali diutiùs obsequium suæ devotionis impendit, nostram & fratrum nostrorum gratiam necimmeritò meruerunt, idem prædecessor noster venerabili fratri nostro Episcopo & Capitulo Xanctonen, primò ac secundo scripsisset ut eos in Canonicos suos reciperent, & stallum in choro & locum in Capitulo assignarent; quia Capitulum ipsum preces & mandata ipsius semel & iterum implere contempsit, bonæ memoriæ Ad. Episcopus, tunc Archidiaconus Pictavenfis, & dilecti filij Decanus & Cantor sanctæ Radegundis Pictavenfis, quibus executio mandati apostolici fuerat diligenter contradictione & appellatione postposita delegata, post frequentem commonitionem, cum nihil proficerent monitis apud ipsos, procuratorem eorum de canonica Ecclesiæ Xanctonen. curaverunt auctoritate apostolica investire, dictis Episcopo & Capitulo eadem auctoritate mandantes ut eos permitterent canonicam ipsam pacificè possidere. Ceterum quia Canonici ejusdem Ecclesiæ se contra hoc contumaces exhibebant in omnibus & rebelles, iidem executores (sicut ex eorum literis accepimus manifestè) in eos excommunicationis & in Xanctonen. Ecclesiam interdicti sententiam protulerunt. quam dicti Canonici nullatenus observantes, præsumpserunt divina nihilominus celebrare. Licet idem Episcopus Xanctonenfis, sicut ex literis suis nobis innuit, apostolicis nolens contraire mandatis, super receptione ipsorum promptam habeat voluntatem. Iidem etiam Canonici ad sedem apostolicam nunciis destinantes, suggesto quòd in Xanctonen. Ecclesia quadragenarius erat Canonico- rum numerus institutus, & per sedem apost. confirmatus, (de quo nulla penitus habita mentione dictus Subdiaconus noster & magister Const. super receptione sua literas obtinuerant ab apost. sede impetratas à nobis prædictarum sententiarum processu nequaquam expresso) causam ipsam Abbati Sylvæ majoris